



13. november 2009

Inatsisartut suleriaassiat § 36 imk. 1 naappertorlugu Naalakkersuisunut apeqqutegaat:

- 1.** Naalakkersuisut Kommune Kujallermi imaatigut silaannakkullu angallasineq qanoq ataqatigiissumik aqqiffiginiaarpat?
- 2.** Naalakkersuisut Qaqortup eqqaani kujasinnerusortaanilu illoqarfiit nunaqarfiillu akornanni inunnik angallasineq ullumikkornit pitsaanagerusumik qanoq aqqissuusiffiginiaarpat?
- 3.** Naalakkersuisut ukiuni tulliuttuni Kommune Kujallermi angalaniarneq kiffartuussinermi isumaqatigiissut (serviceaftale) aqqutigalugu aqqiiffiginissaannut periarfissarsiuusisinnaanerlutik?

Tassani timmisartorsuup Narsarsualiartarnera aamma eqqarsaatigalugu Naalakkersuisut takorluugaqarnerpat?

- 4.** Atlantiku qulaallugu angallasineq eqqarsaatigalugu Iceland Airip suleqatigineqarnissaa pillugu Naalakkersuisut qanoq eqqarsaatersuuteqarpat?

Inatsisartunut ilaasortat Debora Kleist aamma Anders Olsen, Inuit Ataqatigiit)

Tungavilersuut

Ukiorpaalunngorput nunatta kujaterpiaani imaatigut silaannakkullu angalaniarnerup ajornartorsiutaanera innuttaasunit qinikkaniillu maalaarutigineqartuartarpoq. Allaat arlaleriarluni atsiornernik katersuisoqartarpoq, qinikkanut allanullu oqartussaasunut nassiunneqartartunik. Kisiannili ajuusaarnaraluartumik ulloq manna tikillugu annertunerusumik kinguneqartinneqarneq ajortunik.

Ilisimaneqartutut nunatta kujataa imarluttorsuusartoq nalunngilarput, taammaattumillu nammineerluni angalaniarnissaq sillimmartaanngikkaanni innersuusutissaanani navianarsinnaanera pissutigalugu.

Taammaattoq inuttaasut namminneq umiatsiaminnik angalaniartarnerat takornartaanngilaq. Tupinnanngitsumik nammineq angallatiminnik iml. nalunngisaminnut ilaallutik angalagaanngamik akikinnerusumik angalanissartik iluatiginerusarpaat. Tamanna ilaatigut ajuusaarnartumik inuit inuunerannik akeqartarpoq, silarsuup tassangaannaq allanngorsinnaasarneranik tungavilimmik.

Tammaattumik pitsaasumik ataqatigiissumillu imaatigut angallannerup aqqiiffigineqarnissaa kissaatiginarpoq. Nunattami kujataani najugallit aamma akileraartartutullu allatut pineqarnissamik pisariaqartitsipput pisinnaatitaaffeqarlutillu. Kujataamiut aamma akileeqqataanikuupput nunatta sineriaani mittarfinnik pilersitsiortortoqalerpat, nuna tamakkerlugu akileraartarnertik aqqutigalugu.

Air Greenland-ip Atlantiku qulaallugu Narsarsuarmiit Kangerlussuaq aqqutigalugu Danmarkimut angalanissamat Dash 8-at atugassatut pilersaarutai eqqarsaatigalugit

nunaqavissut periarfissalunnerulernissaat aarleqqutigaaara anglanermi inissat eqqarsaati-galugit, naak akikinnerusumik Narsarsuarmit Danmarkimut angalasalernissaq neriorsuutigigaluaaraat.

Narsarsuarmit toqqaannartumik Danmarkip tungaanut aqquteqarunnaaneratigut ernumanartoqartissinnaavarput nunaqavissut angalanermut aningaasartuuteqarnerulersinnaanerat kiisalu inuussutissarsiutitigut ineriartortitsinermik suliniutit kallarneqartussaneri eqqarsaartigalugit. Naak takornariaqartitsinerulernissamik suliniutit tapersersoraluarlutigik. Taassuma aamma saniatigut takornarissat siumungaaq angalaniarnermi inissanik inniminniinermikkut nunaqavissut angalanissaannut periarfissaat sulii aamma ajornerulersissinnaagai takorloorneqarsinnaavoq, naak takornariaqartitsinerulernissamik suliniutit tapersersoraluarlutigik.